



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 777. Qualiter computentur gradus consanguinitatis ad  
dignoscendum, quis defuncto proximior.

---

[urn:nbn:de:hbz:466:1-73957](#)

*Quæst. 775. Inter quos detur hæc successio legitima.*

R Esp. Ii sunt in duplice classe, pro ut ex duplice causa successio hæc defertur; nimurum vel jure sanguinis seu cognationis, nomine hoc hic latius accepto pro vinculo personarum à communis stipite descendantium carnali propagatione contracto; quod sic acceptum complectitur lineam rectam & transversam; unde tres sunt ordines cognatorum, nimurum ascendentium, descendantium, collateralium, prout habetur. *Novell. 18. c. 1.* Vel ex civili aliqua ratione; dum nimurum deficitibus tribus dictis ordinibus, patrimonium defuncti ex civili aliqua ratione defertur conjugibus, marito vel uxori superstite jure prætorio; cum sint divini & humani juris socii. ut dicitur *L. 4. c. de crim. exp. her. & utriusque fortunæ casuum participes, ut L. 22. §. 7. ff. solut. matrim.* Restringitur hæc successio ad solos coniuges cum exclusione qualiumcumque affinum; cum affinitatis jure nulla permittatur successio. *L. 7. c. comm. de success. Lauterb. l. c. §. 42.* Ad hanc successionem requiritur primò, ut nulli restent cognati defuncti conjugis. dein, ut justum sit matrimonium, illudque duret mortis tempore, plura in specie de hac successione infra.

*Quæst. 776. Generalis, quo ordine fiat hæc successio.*

R Esp. Primus ordo successionis legitimæ est in linea descendantium defuncti, qui reliquis omnibus cognatis ejusdem, tam ascendentibus quam collateralibus præferuntur, de Lugo. *l. c. Lauterb. l. c. §. 7. Carpz. §. F. p. 3. c. 17. d. 3. n. 1.* cum communia juxta *L. 15. ff. de inoff. test. l. 7. ff. unde liberi. & Novell. 118. c. 1.* idque ex communia naturæ & parentum voto, nimurum propter summum amorem & arctissimum vinculum inter parentes & liberos, ut Aristotel. *L. 4. politic. c. 19.* Secundus ordo in eadem linea recta est ascendentium, qui succedunt deficitibus omnibus descendantibus, & præcedunt omnes collaterales. Tertiis collateralium consanguineorum. v. g. fratrum; servato tamen tam inter descendants, quam ascendentes & collaterales ordine gradum, ita ut filii & filiae exclaudant nepotes, pater & mater avum & proavos. Quartus conjugum, ac denique his omnibus succedit Filius. ut hæc omnia antiquo jure antiquo disponuntur in cit. *Novel. 118. c. 1. 2. 3. juncto ioto tui. ff. &c. unde vir. & uxor. & c. de bonis. vacant.*

*Quæst. 777. Qualiter computentur gradus consanguinitatis ad dignoscendum, quis defuncto proximior.*

R Esp. Primò in genere: aliter computantur hi gradus in Jure civili in ordine ad successiones hæreditarias, aliter in Jure canonico in ordine ad contrahendum matrimonium, ut constat ex *c. ad sedem. 2. can. 35. q. 5.* computantur autem hi gradus in ordine ad hæreditates in linea recta tam ascendentium quam descendantium pari ratione tam secundum Jus Canonicum quam Civile; dum in utroque recepta est hæc regula: tot sunt gradus, quot sunt generationes seu personæ generatae, nempe communis stipite, à quo prima origo consanguinitatis ducitur. sic pater & filius in primo gradu juncti sunt, avis & nepos in secundo, proavus & pronepos in tertio, & sic deinceps juxta *cit. c. ad sedem. 2. can. 35. q. 5.* *inff. de gradib. cognat.* In linea vero collateralium seu transversa, tam æquali, quam inæ-

quali alia ratione computantur hi gradus in ordine ad hæreditates à Jure civili, quam à Jure canonico in ordine ad matrimonium. quamvis computatio illa Juris civilis in ordine ad hæreditates servanda sit tam in foro Ecclesiastico quam seculari, quippe à SS. Canonibus recepta & canonizata. Arg. *cit. c. 2. can. 35. q. 5.* uti & contra computatio Juris canonici in ordine ad matrimonium servanda, tam in foro civili quam Ecclesiastico; idque tam in terris Imperii, quam Ecclesia, ut fatentur Civilistæ. Pith. *b. t. n. 3. infine. Reiffenst. n. 3.* ita ut computatio graduum quo ad successionem hæreditariam fiat à Jure canonico eodem modo, quo à Jure civili; similiter computatio quo ad matrimonium pari modo fiat à Jure Civili & Canonico. totaque diversitas sit penes objecta, ut bene Reiffenst. *n. 8.* Fit autem in ordine ad successionem hæreditariam hac ratione, ut tot censeantur gradus, quot sunt personæ collaterales ex utraque parte vel linea transversa, una demptâ, communis nimurum stipite; adeoque tot gradibus duæ persona in linea hac distant inter se, quo ex utraque parte numerantur personæ usque ad communem stipitem, in quo convenientur. Sic v. g. duo fratres sunt in secundo gradu, seu distant duobus gradibus inter se; quia sunt duæ personæ, & pater eorum, qui est in linea recta, in quo convenientur, non computatur: Unde & in hac linea non datur primus gradus, cum frater fratri non per se sed per patrem vel matrem, qui non computantur, conjungantur. similiter duo patrules seu duorum fratrum filii sunt seu distant inter se in quartu gradu; quia in utraque linea, dempto stipite, sunt quatuor personæ, nempe duo patres & duo eorum filii seu patrules, dempto eorum avo. Item nepos & patruus seu frater patris distant in tertio gradu; quia in utraque linea transversali usque ad communem stipitem numerantur tres personæ, nempe pater ejusq; frater & nepos. ita Arg. *tot. tit. Inf. de grad. cognat. & cit. can. 2.* Pith. & Reiffenst. *ll. cit.* In ordine vero ad contrahendum matrimonium, secundum hanc regulam pro linea collateralis æquali sic fit computatio; ut quot gradibus singula personæ, de quibus quartur, distant à communis stipite, tot quoque gradibus inter se distare censeantur. pro linea vero collaterali inæquali tot gradibus persona distent inter se, quot gradibus remotior distat à communis stipite.

*Quæst. 778. Qui & quo ordine succedant descendentes seu liberi suis parentibus, vel à successione excludantur.*

R Esp. Primò: succedunt liberi primi gradus, hoc est distincti à nepotibus, qui sunt liberi secundi gradus, naturales & legiti simus (quales sunt & dicuntur, qui ex iustis nuptiis seu legitimo matrimonio procreati, eti statim primo post nuptias mense nati (ut enim quis legitimus dicatur, non tempus conceptionis, sed nativitatis inspicitur. *L. 11. c. de nativ. liber.* quod fecus erat jure *ff. L. 11. ff. de stat. hom.*) sine differentia sexus, seu five sint mares, five feminæ (nisi statutus aliter introducetum, ut olim apud Ifraëlitas. *Num. c. 27. v. 8.* & hodiecum jure feudali feminæ regulariter perpetuo excluduntur, nisi feudum sit feminum, vel ex patre ad feminas transitorum. Lauterb. *in ff. de success. civil. intest. §. 11.*) vel etiam statutus, seu five laici & secularis, five Clerici, etiam Religiosi. *L. 56. §. 2. c. de Episc. & Cler.* nisi ex regula vel facta professione sint incapaces bonorum possendorum. Lauterb. *§. 14.* Item five constituti tempore mortis patris sub patria potestate, five iam emancipati, quod tamē restringendum ad jus succedendi,